

Hanny, 11j.



suechet ganz dringänd äs nöiis Daheime i Wohnigshautig

Hoi Du

Ja Du, bisch Du min nöie Mönsch? Nach Dir suech ig! Warum? Mis lieb Bsitzr züglet demnächst iis Heim u cha mi nid mitnäh. Itze bin ig baud ganz allei uf diesere Wäut u wünsche mir nur eis: wiedr so es toues Daheime, wie's ig siit 11 Jahr gwöhnet bi. Drum!

Ig bi 11jährig, kaschtriert, gimpft, chippet, gsung, schtuberein, ganz pflägeliecht u uuchompliziert, e ganz e Liebi. Aafangs e weng schüech, aber das wird scho. Ig bi haut momentan es bitzeli veruusicheret u wies nid, wie mir grad gschieht, isch aues es bitzeli dürenang. Ig verschteh grad d'Wäut nüm so mit dere Häktik ume wäge Zügeltermin. Ig bi abr eifach äs perfäkts Büsi für älteri Lüüt. E ruhige Huushaut, fascht immer öpper da zum Schmüsele (ig liebe das), zum ufm Sofa Höckle (ig liebe das) u zum Schträhle (ig liebe das). Ohni Ching, Hung u Chatz. Nur Du u ig. Du döftisch natürlech ou zu zwöit sy, 4 Häng schtriichele no meh aus 2! E Troumchatzli? Jaaaa! Abr ig ha wie jädi Chatz ou es chliines, chliines Laschtr: ig ha Pflanze zum Frässe gärn. Dört muesch richtig ufasse. Oder Künschtlechi, die ignorier ig.

Ig sueche drum chatzeerfahreni, geduudigi älteri Lüüt, die wo vii daheime sy u vii Ziit wönnt mit mir verbringe. Die wo guet zu mir luege u mir e ruhige Huuhaut biete. Ig chenne nur d'Wohnig, gnüegt mir vouhomme, ig wott nid usse, abr e gsicherete Baukon, das bruuch ig, zum Sünnele u Usseluege. Bisch Du pensioniert u bisch Du eifach oft dihei? U ische bi Dir ruhig u möchtisch Du mi uf Läbänsziit verwöhne? Das wär's! Denn müesst mir üs unbedingt lehre chenne. Ig wohne im Moment no ir Region Zürich, zügle aber gärn zu Dir, wo ou immer Du wohnsch. U ig würd ou bracht wärde, cheis Problem. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Mir pressiert's es bitzeli, we ig no bis Änd Februar bi Dir iiziihe chönnt, wär das genial !

Dini Hanny



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch